




鐵網珊瑚書品目錄卷八



錢逵書虞雍公辨烏賦

笠澤為虞勝伯創義塾序

送虞勝伯序并詩

贈曇霄詩序

良常張氏遺卷

吳縣送行分題詩序

良常草堂雜詩

趙松雪詩稿跋

世壽堂銘附雜詩

艇齋

辨烏賦
蹇我生之北辰兮遽遭家之多難痛堂上之護萎兮交摧戕於肺肝步屺前而悵望兮曾白雲之漫漫踏九死

而一生兮存喘息於已殘勉行營於高燥兮十壤夏之
所安朝既止於紫鶴兮莫敢晞於栖鳶俄潛闥之載扁
兮政除月之隆寒紛提之令鳥兮翔童之同山惟
二三其柔柔兮僅短之而可攀誰知彼之雌雄兮忽駢
棲於其間亟營巢而莫去兮曰夷猶而盤旋銜壤而益
墳之楸兮載上下其修翰獨旁廬而感慨兮潛涕泗之
沈瀾謂蒼之蓋高兮亦莫探其端也豈期衆目相與
駭矚風行而電馳道路之相譁也儀談而秦弊聚落之
雄夸也金相而玉振衆芳而聲詩也嵩岱峩之而萬疊
友朋之高義也差不謀而相埒兮觀古而驗今日為至

孝之感兮現瑞應之圖而有云况顯名於孝烏兮亦或
謂之善禽據北齊之蕭兮李唐之林列巢門之順兮棲
冠之參鋪張厚裴之表門兮鈎索乎之孝心申之虜
銜塊以助陶兮又還觀而南尋迨天使之口流血兮庸
顯顏烏之誠忱僉曰昔聞而不見兮固可紹往哲之徽
音吁嗟予小子曰不然兮猶足以理而言兮何山顛不
為鳥所集兮何林間不為鳥所巢兮孝性之修亦士之
常守兮事物之來亦有時而適然兮何足詫也瞻彼鸞
斯實名維慈予垂反哺之訓公興孝養之詞嗟彼能而
我不逮兮懷乎風木之悲矧哀之而蒙酷罰兮豈嘉祥

之可希復張，而昧所。今何前賢之可追，意大刺，而章厥罰兮，俾悠。其孝斯維，此理之忽然乎？又孰較其是與非？嗟夫！予小子不可不辨兮，恐來者或失其是，術損其心而泥其迹兮，斯去古而益遠於名教。而或戕分豈清議之可違，眷里閭之嘉言兮，特君子之樂善賦以抹將來之弊兮，亦豈夫予之好辨。

右辨烏賦一首，宋丞相雍國忠肅虞公之所作也。紹興六年，公丁母，秦國太夫人之憂哀毀骨，立朝夕哭墓側，墓有枯桑兩烏來巢，悲鳴不去，人皆異之，以為篤孝所召。非作詩頌之，公因著賦以自解。此公家傳

之所具載者也。公之八世孫堪適，遭父處士君之喪，出此賦見示，且俾書揭座右。達以為故家文獻尚存，詩書之緒不墜，因樂為之重錄。云至正十五年冬十

月甲子，彭錢達謹識。

笠澤為虞勝伯創義塾序

古者先王之於民也，有養焉，有教焉。邑居而并受，薄其賦稅，是故無甚富甚貧之民。家塾而黨序，申其孝弟，是故多德達才之士。降及後世，無并之力，勝而富，歛日繁，學校之實隳，而異端並起。士有被服仁義，誦先王之言者，居無卓錫之地，而浮屠氏之宮擬於王者。金碧窮於

草木而士不能處糲意為今之士亦難矣尚欲空言以
排之哉上之人循習其弊之久苟非命世之才不足與
有為也獨怪天下之人愛其子延師而教之或較錙銖
於朝夕而不吝夫千金之施於浮屠以徼福夫士以仁
義忠信之言訓其人使入以事父兄出以事其長上以
保其身以光榮其祖宗其為福莫大於此彼浮屠氏
者寧有是彰其著明也哉而昧者作罪於旦夕求福於
冥冥而卒不獲其報何其性習之相遠而迷惑陷溺之
深也往時閩人詹景仁氏買田築室延京兆杜伯原父
為之師以訓其子弟其詹之子弟被伯原之教族日顯

以大賢者之有益於人如是斯所謂寔然足音曠百世
而一過者也自時厥後蓋已寂寥而無聞矣在昇平時
尚然况喪亂之際乎予留中吳識故宋丞相虞公八世
孫曰戡字勝伯於元故侍講學士公為汶子博而文行
修而篤雖於今為尚論故家文献其流風遺韻有足徵
為其為人蹇蹇有志節不交譽於當世奉其母避地笠
澤之上以其所有淑諸其人庶幾世濟其美者予誠私
心愛之間二年予亦以親故從事於斗升之祿有莒城
之役而勝伯足跡不一至城府竟不知所造詣為何如
也今年春予謝病得請方外友鄧君青陽自笠澤來問

疾青陽隱者也能知賢故予首詢勝伯則言其學日加
富而家日益貧至無所於居且將有它適予愀然曰笠
澤唐陸魯望嘉遯之所也魯望遠矣其族有曰德源號
靜遠者嘗為甫里書院以居學者今者去靜遠之時未久
也以予勝伯之賢而其子孫無有能從之遊者則陸之
家其不已替乎得不有聞陸之風而興起者乎青陽又
曰有施縉彥紳者陸甥也賢而勇於義慕勝伯之為人
欲為義塾以居勝伯使鄉之子弟皆有所矜式以力之
不足思與鄉之同志者共圖之而未有因也予復喜曰
世復有斯人乎勝伯之於出處去就其審之已久其塾

之成與留舉不足為勝伯喜竊獨喜夫彥紳之賢而能
知所本也今夫一塾之費視浮屠氏之施特萬分之一
而其效乃能福於其鄉豈不為世道勸哉孔子曰見義
不為無勇也傳曰有志者事竟成吾知笠澤之子弟又
將服勝伯之教亦日顯以大使聞之詹氏不獨專美於
前矣然詹氏以有餘之資延伯原為易施氏以不足之
力奉勝伯為難然能假衆力以成之則若反有易於詹氏
者吾猶恐夫勝伯之不久淹於此也為我謝勝伯曰笠
澤之人厚於子無有他適以孤其父兄子弟之心明先
王之道以道之使化行於其鄉吾於子有望矣輒書其

言附青陽歸以厲於施而速圖之以明君子成人之美
之意其有樂於義者著於篇至正二十年冬十月會稽
姜漸序

興義塾以淑後學斯文風化有幸也有力者優為之人
以為難施君奮義而欲為之其難可知已在承平時為
乏人以為難矧捨攘之際而欲為之其難又可知已非
諸賢扶翼相助斯役何以克底於成哉蓋不獨以喜於
勝伯虞君而實有關於斯文風化也吳容趙郡蕪大年
昌齡父書

縉自早歲侍

師彭城錢先生之獲交于先生之友蜀

虞勝伯先生于今十有餘年適以世故艱棘勝伯乃挈
家于笠澤相與居處相交之久益見其學行之高明守
處之端確故凡子弟樂從遊而多被化者誠有道之士
也縉竊愈加敬之念欲買地築室以居勝伯鄉里子弟
得有以受教而卒成其業奈艱於力之不逮故因循而
未能也今年幸逢時康歲豐之秋而勝伯又將有它適
意噫吾志果不足為乎昔者管幼安適遼而遼人化今
吾鄉固非遼也而先王之道仁義忠信之言有不可一
朝夕而不之講者向之子弟何飽暖而多不知教其弊
反有甚于遼之初者矣蓋雖知學之始而不克遂于其

終耳今勝伯一來而泛游者衆是知學之為要殆將有望于成而勝伯迺猶有難於處而將去之又半塗而廢之是重可惜也故縉于是願留勝伯為義塾以居之使鄉里子弟終賴勝伯之教以敦厚其化庶幾為將來羨竊念縉力之不足不能獨成焉蓋深有望於鄉之諸賢相與共為之則斯舉之成不難矣然非縉之私也竇吾鄉之盛事也敢書此以請至正二十年冬十月吳興施縉書

送虞勝伯序

故宋太師虞雍公以雄姿偉略佐宋中興出入將相垂

二十年其經國大業之著於章疏忠貞氣節之形于奏對太史氏所錄蓋斑斑焉有志之士聞其風者猶足以興起而况覩其全書者乎其書舊刻蜀中已而燬于兵四世孫通判寶慶府君將復刻之湖南弗果五世孫參政當國初猶薦意於此會故人眉州史孝祥興化守聞黃伯固家實有之求之不能得至六世孫學士遭逢盛際復以文章致位通顯其侍書奎章閣時嘗屬閣校官謝中物色之中至闕通闕武官有購得之者將資以見學士未幾學士歸田里尋捐館舍自是書存亡無復以為意者已與予友者曰戡字勝伯於公為八世孫一介

布衣困窮無聊自勝伯以上居吳之子弟與勝伯儕輩者往厭棄筆硯不屑事父兄書自負以班仲升者無慮以十六七否則亦竊自緣飾為公子孫不成其弊猶足以舞文巧詆與鄉里少年爭長雄勝伯之計顧不出此獨折節以紹隆家學經紀遺書而已間聞松江俞子中為吳理官時得其書于魯人賈景莊氏將規往來之斯行也天其或者未喪斯文乎吾聞之君子之澤五世而斬勝伯去公八世矣斯文也猶將賴勝伯以弗墜韓愈氏有言莫為之後雖盛而不傳勝伯所謂善為人後者非耶於其行吳之能言者咸賦詩以相之屬予序之

至正十七年冬十月乙未臨海陳基序

送虞勝伯之松江求先雍公遺文

川谷沄沄逝水波雍公勛業未消磨况當異代求文字尚有聞孫校舛訛京國不聞收汗馬草萊終日沒銅駝誰陳聖主賢臣頌奈爾陰山勅勒歌

虞勝伯徵君隱居行義居甫里垂二十年不以姓名求知於時之聞人道園先生其從叔也先世雍公遺文道園先生欲求而不可得勝伯必欲以意購取之可謂有志而不忘其所自矣聞此書藏松江俞子中推官宅推官沒已久而子俊州尹其弟能假以歸勝伯非仁人義

士之存心乎州尹吾故人也因書以為之請陶蓬大尹
見之當有以教我也倪瓚

贈虞勝伯序

宋丞相虞雍國忠肅公其八世孫堪勝伯請於遂昌鄭
元祐曰先丞相有大功大德於高孝兩朝其行事章々
槩已著乎信史始終本末要與唐裴晉公齊名若夫言
語文字特先丞相立德立功之緒餘然有德者必有言
丞相六歲誦九經七歲能屬文已而登進士第累遷官
南宮便已悉完顏亮之奸詐和議必不可以及亮渝盟
傾國南下元臣夙將多殞於權奸丞相方叅謀江淮軍

事乃能以忠義激勵將帥遂成采石之功當時劉四廂
至謂朝廷養兵三十年而今日大功成于一儒者我輩
愧死矣已而出將入相以身繫天下安危又何必言語
文字然後增重於丞相哉然有德者必有言則先丞相
遺文集錄舊若干卷先叔祖侍講來東南念文集不得
所至購募皆不可得堪也近見魯人賈景莊言其家舊
藏丞文集轉致于松江俞氏家堪雖貧將哀鳴伸
訴懇款以言之悉力以求之庶幾歸之堪俟時平定復
州諸梓是丞相立德立功立言併為不朽元祐案國史
雍公嘗注唐書五代史藏于家又有詩文十卷經筵春

秋誦義三卷奏議二十三卷內外志十五卷行于世富
哉言乎三代輔相功德與文章並傳萬世者惟周文公
兩漢以來知名宰輔以德以功煥映竹帛者亦多以言
語文字為緒餘至唐宋乃始兼有之然傳之者蓋亦甚
寡向年侍誦公以文章知名海內求雍公文集而不可
得今勝伯乃能求之於艱危困苦之中斯其志過前人
遠矣昔孔氏壁藏其家書一時雖斲晦更久復顯列于
學官然則雍公之所著錄得賢子孫不至湮沒要皆本
於立德立功云至正十八年春元祐造 江陰張體書
虞君勝伯求先世遺書將鈔諸梓作詩以美之

前朝雍國虞丞相學有師承道有源采石勳名照日月
淳熙惠業振乾坤陰功久著更生佛家學今傳八世孫
力購遺書喜重得還令海宇誦名言 吳郡沈右

丞相遺書何處收百年世事迥添愁曩聞西蜀曾傳刻
今喜東吳得購求文獻一朝徵舊典精誠千古煥嘉猷
成都豈有桑田在最愛仍孫學業優 吳郡呂楨

雍公文字秘深幽夜々神光徹斗牛盛代固知傳不朽
賢孫今喜徃相求江風百里松陵雪事業千年采石舟
驛路蕭條送君去中興漫說使人愁 句吳周砥
雍國勳名照古今遺文誰為重追尋鬼神呵護風雲繞

今石摩挲歲月深坐待明珠還合浦行者寶鼎出汾陰
公家今有賢孫子江漢滄波萬里心

鄒奕

雍公文集世珍藏夜半雲間光燄長縱使千金收蜀本
也應全璧出俞莊雲孫異代云何切閣老重泉志亦償
此日誰為宗社計如公安得真巖廊

豐城余詮

雍國多孫子如君已獨賢傾囊者舊物求友訪遺編聽
鶴雲間路烹魚渚口船遙知滄海月中夜為君圓

魏文彞 秉中

雍國中興相清名高凜如遠孫君異代先世有遺書似
是鬼神護猶存兵燹餘斯文真不朽字字比璠璣

會稽韓友直

水拍吳江映綠蘋吳帆掛席起江津一舸書劍成都客
滿路湖山上海春貯酒耶筒來地遠行庖海錯帶潮新

雍公餘澤千年在更有文章慨後人

師渡長淮宋事危虎臣零落用儒衣初疑葛亮才非武
終藉劉琨笑解圍百世文章尊謹論一時陳迹羨知幾
故家代有賢孫子喬木分陰尚夕暉

高平范成

忠肅文章粲若星百年淪沒屢經營青城閣老空遺恨
笠澤雲孫夙有情放棹長凌三泖曉掀篷卧看九峰晴
勝遊更可成初志尚覲重邦啟後生

張緯

南渡諸公已白頭深慚采石破狂首功勳不獨齊康樂
忠義真無愧武侯相業至今光竹帛文章何日復弓裘
道園未就平生志應待虞卿為訪求 王廓
遺藁搖光貫斗牛畏神呵護幾春秋豐城寶劍終須合
不是明珠暗裏投 乙巳歲春正月五日海陵徐克敬

書于雲間寓舍

贈勝伯賢良表姪

雍國文章世不磨昭如星日映山河刻傳琬琰豈無待
價重璠璣不啻過謾讀父書嗟我老竟成先志子多
春風吹綠松江水亦欲東遊理釣策 臨邛魏奎

丞相當朝日精誠貫九天文章前代事勲業中興年赤
壁雄今古淮淝屬後先雲間遺藁在遲子棹吳舡

鴻山樵呂敏

南渡昔聞虞相國白髮當朝憤不摠丹陛九重無上策
青雲千載有遺書諸孫禮樂流傳舊異代衣冠喪亂餘
莫問銅駝卧荆棘五湖烟水正愁予 河東王敬
宋室中興業雄才數雍公一軍能却虜諸孫耻論功科
斗遺文在麒麟畫像空賢孫勞購覓鐫刻示無窮

薊丘聶鏞

編簡飄零二百年購求今見子孫賢固無相業當時重

要使文名後世傳龍氣拂雲歐冶劍虹光貫日米家缸
鬼神呵護元無恙只在吳淞若個邊 申屠衡

扁舟衝雪訪遺書雍國文章天下無風動翠簾寒剪燭
月明滄海夜還珠百年製作詞華盛一戰勲名孝行俱
送子令人欽世澤蒼々喬木錦江隅 句吳王謙

勝伯契家過上海求先丞相文集賦此

山河一記戰塵昏文獻承家幾處存傳語海隅蕪縣令
好求遺墨付諸孫 蜀人王立中

奉寄勝伯先生

病裏傷春念昔游杏花天氣玉人樓此時惟有雙々燕

倦對東風說舊愁

夔府病三年想故人不得一見因便風以寄邵庵公

詩求一冊以娛病中之懷

黃夔主臣

詩奉青城先生

虞鄉落々不羈客端如野鶴混雞群興來甫里一杯酒
與掃匡廬九疊雲遺史尚求丞相事沒孫能輯翰林文
杜陵秀句多家

此章舊懷繆作因形穢故不及寄辛丑十二月十二
日淮南公穎兄自甫里過笠澤溪上袖出請詩承道
問訊共興論詩夜分子忽憶舊篇誦之遂欣然馬上

唯高情亮祭臘月望日黃章再拜

子貞還示佳章見寄因次韵以復克用高尚先生

軍子來歸自笠澤為說虞君猶道栖青城從子識丹鳳

西郊草堂懷碧雞後會驚看絲髻改新詩煩向錦箋題

絕憐三邨無冬雪宵學山陰夜泛溪 邦經上

和虞克用見寄

試拂龍泉劍虛涵三尺冰直心憂社稷孤憤泣山陵牧

墅村、雨漁舡夜、燈感君多道氣懇款實難馮

與金伯祥虞克用清夜聯話

浩蕩即扁舟行徐遠廣路玄露蔽重陰澄湖濛汨汨客

鴈度寒洲漁罾掛荒墅故人欣會面握手出深懷古筮

戩奇文微吟發清趣念茲慎勿忘勗哉紀良晤克用先

櫻相家文章事業銘彙昂被絃
歌克用袞藏皆鮪珠也故云

陸廣

涼夜讀史擬古錄呈勝伯先生知己裁正

王靈靡東周諸侯務兵爭六國尚氣俠劫制非本情翻

翩魏公子南轅北遷輕折節信得士所恬匪尊榮雖云

正道媿砥礪多義名叔世駭莫見渴心劇懸旌丈夫一

委質便其同死生豈如江上漚泛然逐春聲廢書有餘

歎露下候虫鳴 友生董在拜手

青城虞勝伯顏立氏小軒曰看帆為賦律詩四首且

曰卿情客思共有感為同書以寄予、不敏勉次韵
錄奉叔勝徵君彦章高同一咲也尚

看帆軒下迴添愁滿眼青山憶舊遊
襄水信來家杳、蜀江春去思悠、
檣烏暝過漁莊宿風鷁寒隨賈客留
只尺波濤相失思往來曾不為身謀

目送飛帆若斷蓬閒情不與水俱東
自居茅屋秋聲裏如在瀟湘夜雨中
檣影遠離滄海月櫂歌歸趁落潮風
由來世道隨流轉不用空嗟阮籍窮

長江波浪雪差寬險過瞿唐激灩堆
龍護寶珠藏窟宅蜃噓妖氣作樓臺
依、鳥向滄波沒一、船從返照來

徐市漫游東入海如何不見一人回

風帆已逐歸雲盡江水何如客意長
荏苒歲華駒過隙飄揚生理鴈隨陽
漫知白髮非春事醉看青山即故鄉
獨笑夢中忘未得落花風動起回檣
謝林再拜

次韵叔勝先生七言一首錄呈伏冀賜教
倪瓚再拜朱絃流水寫徽音古意寥、
何處尋道力已消金鑪淨禪那曾住
嶺雲深毀譽不礙逍遙樂愆空應無
忿愆生說與先生張恨牛山何日見
成林

瓚此三兩月方為義士之賢子與二三名勝作為文
辭以頌述其德美且預為挽詩弔文之類家傳而戶

習或有每夜醉詠一過大笑而登牀者獨先生不隨
流俗哀，耳如何如何故賦此以發一笑云乞於韻
會中檢尋珽字一觀明日即納還也匆，不具瓚啟
上

重改次韻奉答一首錄呈叔勝先生一笑倪瓚再拜
朱絃流水馮徽音古意蕭寥尚可尋道業已消金鑪淨
禪那曾往領雲深猿猱騰攫初何怪風雨飄搖不動心
笑爾自戡成濯，牛山何日見喬林

此間俊秀子弟習尚不佳為二三不孝義無廉耻之
徒誘引而喪其良心以不孝悌為當為以誹論是非

毀譽輕薄為政事蘭蕙而尚化為茅况中人之才者
乎先生以為何如良心淪亡冀壤何異是可哀已十
三日瓚啟上

虞山人勝伯陳山人惟寅皆為鄉里解后共飲問及
仙遊事欲所賦詩未果馮既去僕已醉矣酒醒遂和
以答二賢初意此凡四也十八日又錄

掃除狡獪蓄神機開頂葫蘆不置扉人物已漫垣外見
其形漸向市中微盃成白鶴冲霄去劍化雙龍破浪歸
自此更無毫髮累綠毛統體欲成衣
獨據胡牀醉不移坐深簷露滴髭眉蕭，風水成音樂

澹々星河起鷺鷥語罷欲乘黃鶴去興來忽使白雲馳
火龍傲烹茶不折扶桑一氣炊

幕幕松陰布網羅鶴巢松頂吸天河是何道士圍碁坐
著筒樵夫對酒歌看月也知為爾好凭風無奈欲歸何
送君直過橋西去還記垂楊葉不多

送虞勝伯還東吳

相逢相別兩匆匆宵放花前酒暫空江渚落殘三月雨
海潮吹上一帆風客中憶母情偏切貧裏題詩語轉工
日莫思君頻悵望水天迢遞送歸鴻

克用道友作東吳十詠句法深有益浩然意度超邁

繩其武學者未見達人之言吾道友當悉此意否

發吳江

一望洞庭秋水相看南浦孤蓬江干有興騷客閒居久

約漁翁

泛石湖

遙接太湖惘然尚留赤壁圖景越來溪水東西香雪寒
梅飄影

遊靈岩寺

此山勝竟玄賞遊舊今日皆非籃輿林間烟暝爛柯谷
口忘歸

登姑胥山

吳王館姓西子兩情斷送長流麋鹿淚沾荒草故人汗
漫重游

泊橫塘

山寺微茫深渡寒烟蒼莽橫塘杖梢自挑村酒缸頻猶
帶漁榔

過盤門

將軍南鎮句吳魚龍跳下江潮無限吁嗟陳迹怕聞淒
涼洞簫

懷甫里

筇行依、故里石刊翰墨模糊龐公力田二頃拾遺扁

舟五湖

過獨墅

短棹微風窈窕片帆落日橫斜舍傍雖開酒肆牛疲知
是田家

過車坊漾

蕩舟滄波萬頃搖櫓白鷗渚傍不知新月東起回頭過
畫車坊

歸闔閭浦

極目烟江畫頭屈指搖城渡口世人不理曲肱自餉黃

雞白酒

農圃堂陸願納

贈內姪曇霄

我聞唐宋及近代虞門簪紱紛如雲外舅蒼梧府君者
上繼秘監傳斯文一女適我有賢德兄弟玉立皆蘭芬
自從外舅沒官所歸隔山川魚鴈阻兵塵浩冬天
涯夢寐中間時或覩老壯死生那得知子孫有無安可
期誰料內兄仲氏子一朝謁我來京師入門面目恍莫
識頭已祝髮衣純緇細言六歲武昌別來廿九年華
移闔家骨肉既凋喪丹陽荒土鬱相向每嗟流落真可
憐右瀨何時得歸葬艱危幾脫虎狼口幸得為僧在林

數止存一兄作秦贅叔氏之子臨安有二人形影相憚
惇出家踪迹如雲萍遠聞姑丈歷清要豈知姑已歸幽
冥須臾言罷淚雙墮痛風生四坐使我聞之倍感
傷感傷之後喜無奈桑田滄海自古然世家子孫能幾
賢當時不填溝壑裏必作丐者閭閻邊或為奴隸甘垂
辱及遭俘虜罹刑戮孰若爾心不為非落在空門遠塵
俗乃知祖宗積德深善慶源報何速愛爾好文能作
詩驪珠紫貝光陵離虞門文業久陵替爾不承嗣當歸
誰荅云十八從佛教年今卅餘亦修蹈茹葷飲酒皆不
為慈航彼岸終須到臨安一兄猶少年有妻有子宗祀

傳願廬丹陽墳塚前以永孝思終殘年斯言慰我如醇
耐夜談剪燭過子丑明日碎我飛錫去愧乏囊金表親
厚老懷悵望秋雨晴為爾折斷石城柳七十翁磨同書
于翰林

贈霄上人序

吳興道場寺主藏霄上人來京師謁翰林學士承旨詹
公于寓宅詢其所自則公之夫人虞氏仲兄奎之子外
舅梧州府君之孫也於是不見者凡二十九年而夫人
之喪亦二年矣上人詣几筵哭奠吊慰如禮與公道契
濶叙艱危悲慟慨歎有不能喻之於言者蓋追憶初別

時上人甫六歲公年當強仕才方名盛不數載而四方
鼎沸風塵滿目音問睽隔不知存亡何似及皇上龍飛
江左平群雄而一海宇制禮作樂登崇俊良公以文學
被 顧問任天官而持銓衡長詞垣而知制誥康寧壽
考詠謔太平虞夫人猶及目覩公之榮遇足以慰疇昔
艱危之懷而上人遊乎方外得以保全性命復見相于
今日豈非可喜而又可感者耶上人留京踰月乃請于
公曰我虞氏世家會稽自唐宋興文懿公陪塋昭陵遂
為雍人傳十一世有守仁壽郡者因家焉遂蜀人為
世為宋丞相雍國忠肅公之季子大理寺丞卒塋餘

抗之石瀨鎮至我曾祖為王融令宋亡不降遂死之時
祖考梧州府君方七歲隸育于官及曾叔祖仕元為秘
書少監無子因請于朝以府君為嗣後廕官初授光化
主簿歷管城丹陽德安尹調湖廣等處權茶提舉陞朝
列大夫同知梧州路總管府事卒于官謀歸葬石瀨未
果殯于丹陽縣南之清水潭墓今久闕展省是行也
願歸結茅菴于墓側朝夕居其間以盡孝思公不忘親
戚之好尚有以教之公乃以其事語趙堦曰我外舅與
故奎章學士邵庵先生雍郡文靖公宗系同出於雍國
忠肅公子嘗游文靖公之門有師友之契霄上人之行

不可無文字以贊美其孝慕之誠也噫堦於先生為門
人於公為屬官又何敢以固陋辭竊嘗觀于前代世家
其以立德立功立言著于當世千載不朽者代有其人
然由唐宋及元家譜相承以勲業文章照映史冊七百
餘年遠而足徵未有若虞氏三公同出於一門者也今
逢創業維新之治其子孫雖未有顯者然 國家政教
方隆安知無力學自修以待用者而上人托跡空門懷
其世澤切切以祖宗墳墓為念是其孝思無斁迺于庸
俗人遠矣吾輩稱揚而樂道之豈不足以為士大夫之
勸乎謹以此言復于公退而次第書之以為贈大理公

諱抗孫永阜陵所賜名也秘監公諱應隆在元嘗修大一統志今其板本猶存梧州府君諱弦字舜臣上人舊名容德以丁酉年入烏程何山禪寺禮南洲藻公為師法名曇霄字具瞻雖學佛而通儒書大義蓋其家學云洪武七年歲在甲寅秋七月甲午朔朝翰林國史院編修官清江趙堦序

上人曇霄者宋丞相虞忠肅公彬甫之遺裔也其始歸今閩老詹先生同文而上人因與先生有連一旦來謂將還廬墓於丹陽先生請趙翰林伯友為序且令余題其左方西方聖人之教一則曰孝二則曰故升切利

天為母說法而所演大報恩經亦孳孳弗倦索門每取之以為準的或者謂其絕棄親屬不亦過乎有若上人通儒者而又善詩念家世之非昔祖宗墳塚遠在一方悽然有白楊悲風之感縛茅而廬諸墓豈非有合西方之教哉雖然此固足為孝也西方以法胤嗣續為至要與吾儒甚不異上人能廬墓矣獨不念虞氏之之嗣乎若能幡然改轍歸繼宗祀之重其孝不尤大哉在家出家同一法門居塵而不染塵浮屠氏之戒也初何傷乎此惟達人大觀無所係吝上人尚勉之焉若夫家世之盛趙翰林序之詳矣余尚何言史官宋濂

氏遺卷

送張吳縣之官嘉定分題詩序

吳以水為國獨吳縣則皆山。卒起於洞庭烟浪之間者其多至七十二峰先是子晉未入吳猶宮靈岩更今二千年故官陳迹尚多存者登臨探討感念今昔未嘗不令人惻愴興懷也吳縣尹張君德常金壇文獻故家蚤以才器知名江表奉其嚴尊避地吳下未幾徒步起家為吳縣丞遭縣鄰境燒劫殺擄君雖至其所以恤民者逾於尹聲蜚實章遂陞縣尹使為尹丞平時猶斤斤不易况軍旅殘破之後乎德常嚴尊老白首移其

孝以為政於一邑其惠及民者真所謂息黥而補劓生死而肉骨無愧于古之人於是民氣稍復完今茲五寒暑政譽洋溢用年勞擢授嘉定州同知夫既尹大縣民戴其德自宜尹一州然猶貳一州於海隅者千尋之木棟梁之具也然匠石養之而未之顧者其望之者大也早晚施之用且將支柱明堂清廟矣吳之人士於君之行也姑分題賦詩以送君而屬遂昌鄭元祐為之序

賦得龍門

來龍起西北萬古壯此門日月互開闔風雲相吐吞龍來海欲立龍去天為昏至今兩絕壁慘澹波濤痕張公

東海客邀我坐石根仰瞻泰宇靜俯瞰湫渾神物固莫
測目擊道乃存歲早用汝霖雨清乾坤

廣陵成庭珪

賦得采香逕

泰伯嘗采藥深入芳菲攀桂作帷帳紉蘭製裳衣坐令
文身俗悉從端委歸支胤後君吳禮讓日漸遠迷陽
行棘足蘼蕪露沾衣三秀不改度齋房耀靈輝擷之薦
瑶席神享民是依

元祐

賦得靈岩

吳門有佳氣靈岩秀而高扶輿起中天橫絕望西郊築

宮念吳王乘舟懷越相如聞石鼓鳴不見西施唱花殘
采香逕木落洞庭波鹿銜如意舞曾合步搖歌霞邊錦
樹明石上瑯玕長世無赤松子誰當共長往金芝餌處
士玉蘭貽使君煩將滄海月還照秀雲峰

宛丘陳秀民

賦得越公井

平湖朝崇岡石勢盡西走神宮閔海眼碑兀誰所剖偉
哉揚越公指揮劈山手灣環水府近決裂龍伯吼日供
萬夫飲鹿盧掛牛斗清寒散屏闌甘潤借林莽招提敞
殊勝遺事千載後顛倒樓閣影以茲歲月久張侯來作

縣胞中攄素有列泉人共食博施澤弘厚遂令飲惠者
咄、不離口何以為君別汲之釀春酒行人感幽駐十
步一回首終勒懸厓相繼垂不朽
吳郡鄭元

賦得石湖

范公如賀監吳越似同風一曲君王賜十年霸業空蕭
條湖水碧凌亂藕花紅相送青山暮孤帆沒斷鴻

錢唐范致大

賦得鱸鄉亭

秋風吹江水鱸魚寒可罾江空野亭寂送客集高朋銀
盤錦鱗粲玉鱠春雪凝一杯魯酒罷千里吳天微願似

陳文惠勿同張季鷹

賦得林屋館

具區東南浸日與青天洞流庭諸壑巖宛在水中洲黃
金千萬戶白玉十二樓陽阿積瓊木樛轉枝相樛仙人
倏來遊環珮鏘鳴球我欲往送之四山澹似秋安期不
可即長年慕浮丘
江陰張端

賦得虎丘

中吳山川雄虎丘鬱塞峩寶光蓄池拘劍氣凌岩阿龍
精不復出寒泉澄碧涉白晝起陰霾深潭伏蛟鼉巍
王者陵青、石盤陀自爾埴靈蹟千古潛妖魔壯哉晉

浮屠景象長森羅涼月濕蒼樹晴光棲綠蘿屬當清秋
日愛茲佳致多登高餞別駕好風動鳴珂列宿光有芒
練祈水生波悵然轉回磴舉觴成短歌
青丘劉埙

賦得劍池

東吳古澤國虎立萃磅礴秦媪閱神秀巨靈為開鑿截
薛立蒼翠含呀露斷罅兩崖日色寒一道天光落闔閭
壘其下風雨夜移壑至今斗牛間紫氣恒炳若我嘗俯
瞰之或恐蛟龍躍令尹名家子物理素精博五年飲此
水遂蕪吳民瘼遷官練川上百驚見一鷲白露零蔓艸
秋容滿寥廓行須頌河清休聲著延閣
太原王逢

賦得天平山

茲山鎮吳會秀色削金碧拔地起萬仞去天不盈尺劍
矛輝日潔笑落承露滴龍門啓石翁天池湛玉液曾橫
松下琴屢駐雲間鷗于今望山處蒼々暮烟隔

薊立聶鏞

賦得白雲泉

白雲白如雪清泉清比月泉以白雲名雲泉兩同潔滴
歷翠池滿璇琤玉琴咽斜侵落花徑直通鳴鶴埭觀蒙
欲果行委順能安節使君潔白操酌奉使君別

四明陳朴

賦得吳王井

九仞鑿山骨重泉出洞天聲虛響屨步影照捧心妍露
冷銀牀滑天空玉鏡圓養民功用在不計邑頻遷

會稽張憲

賦得太湖石

太湖一片石重出八面回影枕碧波月身駁錦紋苔
寧金峰隱玲瓏翠碧開玉露浮仙掌丹霞照天台雲
淨蓮花出星虛織女來相門題品舊堅貞冠古才

四明陳極

賦得洞庭山

山湧洞庭翠雄蟠天下誇雲峰七十二面：是蓮華風
吹我眉月影落湖上沙洞天闕五室陽林耀丹葩聚
黃金橘天寒霜已華採摘奉君別明發到天涯

句吳周砥

賦得琴臺

靈岩鬱嵒我上有古琴臺天光瀉石面月色流翠苔
冥烟鶴唳渺：松風哀彷彿清商奏仙人騎鳳來雲旌
卷絕壁祖帳行瓊杯願言宓子賤去邑更徘徊

晉陵張體

賦得采香徑

一水直如天千年流瀟，不見采香人滿湖生綠蘋。湖
中送君別翼啼疎雨，歌明月出海邊清光照練川去。
蕪民瘼歌謠動城郭，遺愛擬甘棠垂名若採香。

廬山陳汝秩

賦得翫花池

方池漾春波，繁花照寒玉。金宮人正閒，歡游弄芳馥。君
恩深雨露，花香滿山谷。只恐恩易謝，如花不待宿。淒涼
去，千載池水春自綠。不見採香人，聊歌送君曲。

巴西鄧德基

賦得錦帆涇

風吹闔闔城花落，錦帆涇錦帆去不返。春流日夜生，羨
人在何處。恨滿城邊路，月明烏夜啼。霜冷丹楓樹，涇水
挹流直。通東海頭布，飄掛落日相送練川遊。城

清河張端義

賦得館娃宮

吳宮愛越女，尚傳館娃時。艷骨上城碧，宿莽雉朝飛。媮
安不自戒，捧心何足悲。山石猶差峩，伯業日以隳。千年
歌舞地，叢林禪初栖。送君一弔古，臨觴慘不移。

崑山盧熊

賦得放鶴亭

古亭誰放鶴傳之支道林當其放鶴時同有萬里心白
雲瓊圃樹明月緱山岑側聞長老言千載復來今海鶴
雖非鳳猶能覽德音使君甚愛鶴更有一桐琴

吳郡王行

賦得響屧廊

吳王厭歌舞輕屧夜深鳴安知越溪女舉步國已傾至
今山頭月空照千古情清響聞葉落遺跡見苔生方悲
故宮換送故人行他日明光殿君王聞履聲

渤海高啟

賦得梧桐園

彼羨夫差園檀栾蔭清桐上有五色鳳結巢明月中疎
花落銀井墮葉響金風斷琴世所貴前主玉曾封賢侯
瓊竒士材美將無同願為匠石願置之楚王宮

高郵龔宜

賦得白公檜

昔賢蒞吳會嘉會蕩已施爰茲休暇日樹彼凌寒姿鶴
骨時深沁虬枝跨芳坻歲徒冒氛霽蒼蔚含華滋勁質
詎有歌貞心諒難虧千載人所欽遺愛猶在茲願君重
典郡斯躅邈以追孤根為扶植令名同久垂

吳郡黃本

賦得百花洲

春花迷繡幄春水漾金鳧
照影和明月流香過石湖
錦帆應下見沙鳥自相呼
感舊復傷別愁傾雙玉壺

延陵徐文舉

賦得採蓮涇

吳娃蕩蘭槳採蓮戲綠波
蓄心留翠房低頭避高荷
採蓮不見藕刺復將奈何
使君善為政聽我採蓮歌

江陰張璠

賦得辟疆園

曉行辟疆園遺跡已蕪沒
當年多官構金谷不可越
榮

華一過眼春風長迷歲
固知天地間盛極乃衰歌
空餘

園中柳行子當攀折
畫短長條聊以贈君別

海昌董翔鳳

賦得夫椒山

夫椒洞庭野積翠宵冥間
水倒清蓮影雲梳玉女環
迴峰驅越騎掛月照吳關
古今皆陳迹傷離慘別顏

無錫顧常

吳縣鄉三老顧子明求送前縣尹張君德常改除嘉

定州同知詩西澗老樵賦此為贈

亂離安輯撫瘡痍保障併懷及此時感德陽春元有柳

掄才月旦本無私江湖水濶波濤息雨露恩深草木知
三老手編遺愛傳送行當就去思碑

送張別駕

一天風雨洗炎埃父老歡迎別駕來撮蚤鶴鷗還避去
朝陽鸞鳳却飛回吳門善政人爭誦海國甘棠手自栽
世壽堂中時進酒綠衣屢舞笑顏開 燕山魯朴

送張府判詩序

至正丙申春江西等處行中書省平章政事楚國公渡
江來吳念吳民多艱牧字者多非其才悉選而更張之
自至今簿尉以及錄事錄判同日命十有一人各賜衣

二襲馬一匹粟若干石肥疇旨酒有差而丹陽張君德
常其一也德常時為吳縣丞三年以考績上陟縣尹又
明年除同知嘉定州事壬寅秋調松江府判官於戲張
君自筮仕以來甫十易寒暑已遷歷四任抑何速耶且
受命之日如德常者十有一人七年之間餘悉坐免而
德常不惟僅存又藉藉若此謂之非賢可乎不特此也
德常受命以後朝徵暮辟進用者不止百輩坐免者有
之刑廢者有之固不可指而數然則德常不惟賢于十
人而且賢于百人矣自今以進德逾隆操逾厲松栢之
姿久而彌固則今之桃李安知不見其哀且歌也德常

之賢又豈止百人而已耶且聞千人而得一人不少也
百人而得一人已富矣今楚國公十人而得一人則楚
國公知人之明賢于人遠而人之衆可見矣噫楚國拔
之而太尉用之德常所以辱知於二公者寧不思有以
報之耶德常之調松江也大夫士咸歌以送之淮南袁
君達喜善俾基序其首因撫楚國公援君之意以重勉
云西蜀揚基序

種樹不問根樹生枝葉空樹陰不復好那得振其風誰
云種者去猶得種時世道果相容嗟張府公
至正二十二年壬寅秋九月十一日華蓋拍浮丘公

酒史在林屋東陶篷下識

萬彙涵濡雨露中百年文物倏飄蓬鱸魚獨擅吳中美
驥足寧知冀北空肝膽幾時酌楚國里閭漫此變王風
吳松江秋水無底好與使君襟抱同白首豐城全詮
張侯喜與茅侯代瀟洒黃堂兩使君陽羨溪山空在望
吳松風月且平分漢庭亟用三章法晉古猶傳二陸文
今日顛厓政章在慈祥愷悌是功勳東廣陵成廷珪
三年練水治又漫調雲間粉署華生筆吟屏雪滿山鬢
因黎庶白衣為老人斑賴有願明府論文或解顏東

雲間判府拜新除亂後衣冠喜用儒一派清流出大壑
九苞丹鳳下蒼梧江鱸白嫩供秋饌海米紅尖追夜租
亦欲亭前聽鳴鶴五華清夢可能無練川何恒
喜聞張別駕聽鶴過華亭屢試匡時策猶傳教子經篆
香凝燕寢書舫泊鷗汀遙憶題詩處青山繞郡廳
雲間徐士茂
練祈門外晚停車別酒迎風入面花白首愛民如愛子
赤心憂國似憂家龍迴夜影江沈樹鶴怨秋聲月在沙
煩語虎頭賢二守客星何日返歸槎
扶風馬庸

良常草堂詩

朝余升兮良常之顛暮栖余兮良常之下謂良為常兮
誰哉暴者余守余窻毋哆其肱窻中之藏孔子之書謂
堯湯賢謂商辛愚孰憎是言我獲其餘孰好之者往餽
一鷓

子素言張德常好余古文作良常歌李孝光
一室良常洞幽深太古茅風歌元自寂畦甕不知勞獨
出逢騎虎初來學種朮還應白雲遲子共遊遨
翠壁鄰丹灶青楓背草堂琴書聊卒歲麋鹿自成行疊
澗流杯滑飛花入座香亭無問津者及此繫舟航

題良常張處士山居一首

良常標名山句曲主仙洞茅君倚翠麓白雲滿高棟上
有岩栖士出入與雲共芝草鳥為松花鹿啣送茅君
老兄弟夙昔勤遠夢子獨擅為鄰幽深補其空風歌懸
雅樂靈术分仙供息我山木陰懷人玉簫弄楚時苦勞
事非必能抱甕洗藥愛源泉掇英比朝餐歸靜其抱一
知尚亦殊衆鶴馭來何方尋君引余鞵

延陵吳克恭

過江山色萃良常碧樹陰森結草堂處士不知人世變
更求丹篆寫仙方

朱澤民

故人讀易向華陽萬箇松間一草堂最愛滿山春雨後
白雲晴護藥苗香

韓友直

艸堂價為青山重山是良常乃結茅華屋雲低疑洞府
醍醐泉滑見春庖心清已識金銀氣世難曾懷鴨鵝巢
句曲畫寒丹室火海鄉塵暖雪林消冥：高岸深為谷
沉：生涯若佩斲傾耳在天鈞九奏抱情方兩鼎三爻
中條晚歲需休老南岳何年敢獻朝近說金壇仙夢接
青蔥林屋擁旗旛

至正辛丑夏五月張天永寫於棟江雪篷
句金壇下幽人宅斷桂為梁蔭白茅畦長藥苗過野

瀑流子入山扈鹿迹散漫春苔迳鶴影離從曉露巢
池上僧碁聞竹外嶺頭樵曲落松稍舊來長史留虹篆
時遇神君響鳳靴坐石修將棊別譜焚香讀罷易諸文
盧鴻圖在且終隱杜甫詩成詎解嘲不待馳烟勒逋客
三峰蒼翠拂雲旒
河東張翥

蕙帳空招隱者居玄狷白鶴夜愁予只今百尺長松下

何處草堂宜讀書

良常

是鄉閨窈窕軒窓遠近山獨有荆溪舊時月

屢隨歸夢往來聞

蔣堂

翻、張公子結茅良常山緣知鍊金液足以要朱顏玉

桃花開水潺湲琅玕芝草繞池碧子復來往三峯間三
峯峩、昔所憇積金寥、半空峙松崖月黑啼青猿石
林丹光中夜起人間日月如流水別來夢此三千秋茅
君兄弟豈相憶張家草堂思一遊神仙不知王伯圖紛
紛喜怒無時無華陽便問歸路熟三十六洞吾何須

魯鈍生馬文璧重賦

予嘗為德常記草堂矣復見此卷誦五峰之詞甚奇古
仲穆使君之篆筆力遒勁澤民若水之畫清潤張助教
之詩流麗皆令人歛布故為之識其後丹丘柯九思題
于王氏環慶堂

荆溪王仲德以故宋將家子孫博古嗜學延致金壇張
天民先生於其家德常蓋先生子其父子績學能以其
道行於荆溪荆溪之人為其父子買田築室居甚充然
故朋遊枉訪仲德必至德常之家飲酒賦詩蓋亦極其
一時之盛卷中所謂良常草堂者德常扁其室示不忘
金壇故居曰接良常之山也俯仰二十年間不惟朋遊
大半淪落而荆溪更世變化為瓦礫荆棘無復人烟仲
德避地入杭聞已物故獨良父子僅存奎其中吳而德
德常以文學今為吳縣尹予與德常最友善觀畫讀詩
感念存歿為之慨然遂昌鄭元祐跋

良常草堂詩一卷金壇張君德常山圖也君之尊翁
鶴先溪生以高年碩德沉浮里社一家父子兄弟自相
師友文風藹然人望雅歸重之承平無事先生携諸子
諸孫杖履往來之間衣冠偉然望之如神仙披圖尚可
見彷彿也意當時繪圖賦詩模寫其幽野開適之趣經
營慘澹惟恐不盡豈知後來之世變無窮有不可言者
哉此卷前歲失之中吳丘間今歲得之吳仲僧所父子
相顧欣然譬若神明頓還舊觀蓋畫存而草堂則無矣
草堂既無而良常之迹如掃矣臨風可浩歎也且乾坤
是處可構草堂使今日即為之未必能如前日之可喜

也此卷猶存豈不當寶惜之乎按輞川草堂有畫無詩
香山草堂有詩無畫獨浣花草堂以社陵名重天下非
草堂可貴直以老杜流離跋涉歷嘗險阻情可念詩可
歎而重之耳然則君之良常草堂得不與是類歟夫草
堂與世道本不相關也先生鶴骨如玉壽可百歲天定
時平行將歸葺舊隱此卷實為之張本彼鍾山云正
可一咲揮去因閱此卷謹題其後以志予之所感至正
十八年人日趙郡蕪大年謹書
予舊藏張德常分題贈行詩卷皆元季諸老手筆後句
容曾廷瑞中書出示良常草堂詩跋亦張氏物也因借

錄於行卷楮尾得以併攷見其故家文獻云鄒齋劉珏
識

題張先生良常草堂五言一首

每愛草堂幽來為竟日留獨當山一面更近水西頭繞
舍栽青竹開窓看白鷗拾遺茅屋好不得近廊州

潘純

近聞結屋在荆溪上春山翠欲迷一箇小橋容鶴過
兩株高樹著鶯啼林君漫擬移天竺杜老無煩卜瀼西
何似先生樂真隱好詩還向畫中題
倪中愷之
溪上開新館高齋擁翠蘿彈琴拂石薦垂釣得鷗波道

士籠獲至門生載酒過春風看花處隨地樂行高

范德源

題草堂圖

珠樹風來學鳳鳴玉泉雨過作琴聲識得良常洞中路
前生我前生我本山玄邨

張雨

幽館曉山如沐斷橋春水初生花下班荆酒熟松間散
策詩

柯九思

結屋政臨流水開門巧對長松為待神芝三秀移居華

岳西峯

倪瓚

家住華陽

長松映草堂平生有高致不似賀公狂

陸友

和靖處士嘗賦詩曰山水未深魚鳥少此生猶擬再移
居只應天竺溪流上獨木為橋小結廬以中之大父鶴
溪先生自金壇移居荆溪因以中相遇話處士舊詩戲
為圖此瓚

相近方隅洞良常別有天草堂朝看雨葉圃夜春泉邈
矣盧鴻一奇哉魯仲連君者遺世者若箇是頑仙

德常久索良常草堂詩未就及觀華蓋山人碧箋書
五言因追其韻頃刻成章雖為草堂未至之客可以
無愧矣癸未歲十一月望日句曲外史張雨題于荆

溪之上

想見茅山路深藏
隱者廬平生懷勝境
此地得幽居林
黑時聞虎溪深
或見魚相期學仙
侶童子候塔除

韓與玉

每愛良常山勝水
草堂松竹更清奇
掬梧讀易玄猿聽
拄杖看雲白鶴隨
石鼎注泉春煮茗
竹窓留客夜彈碁
晨昏定省營井
旨獨掩柴扉細和詩
李子雲

宿鶴溪先生荆溪草堂

高秋欲赴草堂招
身世驅馳百慮囂
今日故來尋舊約
梨花春酒度清宵
宣伯炯

題石民瞻畫鶴溪圖

白鶴翩、入太清
溪流不盡松風聲
翁筆底有仙路
倩渠更寫芙蓉城
張雨

鶴溪近與練湖連
一鏡秋水清無邊
依稀淮岸瀟湘浦
慣見月虹書畫舫
山翁幾年吳下客
溪草溪花未相識
筆床茶灶老玄真
何與鷗沙分半席
仇遠

題張氏世壽堂

爽、金壇世壽堂
鍾才應運適相當
練川新借光華月
吳縣陰垂蔽芾棠
孝友已堪民表率
清廉更作吏隄防
殷勤父來求篇詠
寫向奎仙品藻傍
鄭元祐賦

繡經一首奉簡天民有道先生

矯：金壇八十翁繡經收得大乘功
瞳人水剪琉璃碧
舌相香噴菖蒲紅
一邑絃歌蒙子化
四窓鐙火與孫同
平太有日歸陽羨
還理田園樂歲豐

吳下鄭元祐頌首

鶴溪：上老仙翁八十康強寡欲功
髻雪頗因詩債白
臉霞不籍酒紅潮百年世事遽如許
千載襟期誰與同
問閱梵書消永晝
不閑祈福乞餘豐

趙人蕪大年奉和前韻

稽首毘耶鶴髮翁
法言微妙摠天功
菴摩勒果能纖細

優鉢曇花是向紅
心悟法華應解轉
手提諸佛竟誰同
真源一洗繁華夢
蔬笋瓜菹貌亦豐

句吳周砥次韻

已愧吾儕髮漸翁
有親猶樂校讐功
涼雲竹委湘簾碧
春雨萍翻墨沼紅
鄉井音書時節異
兒郎伯仲起居同
吳城百里絃歌邑
燕頤先推穀世豐

義興岳榆次韻

平生模楷漫塘翁
晚節兼修靜定功
貝葉翻時香篆碧
天花散處佛燈紅
知君避地交遊少
憐我儲書嗜好同
有子孝廉名籍甚
絃歌吳邑致時豐

王東晉越次韻

蒼顏白髮鶴溪翁，養氣怡神素有功。
得句秋江楓葉冷，繡經夜室燭花紅。
承家有子朱衣貴，繞膝多孫綵服同。
愧我迂疎適丘壑，辭香喜得拜年豐。

孟耕次韻

奉簡天民有道先生

令子今為吳縣尹，先生猶是葛天民。
春秋七十又八歲，江海百年能幾人。
多士問奇加束脯，諸孫供饌斫脩鱗。
荆溪舊業知無恙，白鶴時來送喜頻。

至正十八年仲秋前七日廣陵成庭珪書

成廣陵先生以詩寄張先生韻度深穩謹依韻奉和

白骨自應無葬地，青山可復有遺民。
何時得返屠羊肆，古廟無慚刺虎人。
製錦邑中推令子，聽池上濯修鱗。
綠雲洞裏遺編在，猶省加工莫厭頻。

元祐頌首

已分環樞茂要津，謾漫書冊訪遺民。
鄉還杜甫何如客嗜酒，陶潛若箇人風定。
玉林雲鶴，月明珠浦水鱗，移家縣令談玄舌，笑殺吟詩國步頻。

岳榆次韻

奉簡鶴溪先生次成高尚韻

憑高每絮無言子，閱世猶橫目民一邑。
絃歌稱有嗣百年，儀表厲斯人目。
西郭多戎馬，誰識南溟有縱鱗。
雪霽溪山陪杖屨，荆南最憶往來頻。

喚

句容周砥再拜上

久欲賦一詩以慶靈飛經於寶匣
藏得鍾郎萬字經虹光夜、射天星使來海上持龍節
輦下雲端拾鳳翎金母授書黃帝闕玉真按筆紫霞扃
勒修若練資經舉濯足明河上九青

遂昌鄭元祐頓首拜上

和遂昌鄭先生題大尹所藏唐人書經

誰授靈飛六甲經中天夜降女
星霓旌羽漫三青鳥
雲篆寫回五采翎仙殿清齋繡祕笈御題珠錄護神扃
不堪重省前朝事宮闕荒涼蔓草青
盧熊再拜

雪鬢龐眉咏玉經宛然南極老人星石壇帚拂青鸞尾
烟閣衣飄白鶴翎寶氣虹光輝日角錦囊搖軸閱雲扃
道成騎鹿三山去瀛海蕊、萬仞青
周砥次韵

憫農歎一首送德常縣尹出郊勸農并柬

國瑞相公幸加省覽

日月底天廓勸農正其時
日上膏動穆、條風吹渚
花尚自媚汀柳亦閒垂
中吳號沃壤東作多黎遺
昔更大伯化民俗恒熙
一漫干戈興殺虜令人悲
草生觸騷眼
電絕芋茨炊十室存二三
燒劫偶見遺官租不少
貸民力何由支張侯尹吳縣
冰蘖嚴矜持徵科淚暗落

且復鞭創瘡茲當東作興載耜循年規文告加勉勗心
傷為嗟咨田老鋒鏑餘僅保骨與皮猶復望歲豐迎拜
携孤嫠茹芹敢望飽無力堪鉏犁嚼蟲恒若腥飯牛恒
苦饑候為百里尹腹笥盛書詩民勞曷小康民病曷小
醫號文諫周室千古有令儀咽餓啗兒肉何人埋父屍
民力苟不蘇天鑒亦不私上帝專主宰臣言諒非癡
吳下鄭元祐頓首

至正二年壬午九月僕與高昌正臣游張公洞天張德
常期而不至殊懷其人不禁清興故作墨竹以寄之前
奎章閣鑒書博士丹丘柯九思識

丹丘寫竹師老可能寫倒影青琅玕張之草堂雪色壁
壞葉蕭、烟雨寒

猷齋

柯公自比米顛子文采照耀青琅玕只今耆舊凋零盡
剩得潘君瘦竹寒

倪瓚

題趙松雪詩稿

趙文敏公書出於晉詩及乎唐固一代之能事也觀此
卷令人歎慕不已德常其永保之至正二年壬午九月
十又六日丹丘柯九思題

松雪翁嘗云凡作字雖戲寫亦如欲刻金石觀其草
點竄塗注間皆不苟且誠哉是言也濠梁李升

趙翰林高情散朗殆似晉宋間人故其文章翰墨如珊瑚玉樹自足照映清時雖寸縑尺楮散落人間亦莫不以為寶也今人工詩文字畫非不能粉澤妍媚山雞野鷺文采亦爾爛斑至其神韻則與孔翠殊絕此無它固在人品何如耳此卷張德常得之翰林之子仲穆處廬山甫二月廿日見過田舍携以示僕因題倪瓚至正二年壬午歲也

宋程伯子書字甚敬謂非欲要好只此是學人皆知之而涵養工夫蓋解今觀松雪翁詩遺藁一點一畫皆照然絕異竄改之跡想見不苟其文章書畫為學者宗匠

固亦宜哉吾張德常敬事善學得此卷而珍襲之其意深矣吳郡後學羅元題

題張德常小像

冠切雲之崔嵬佩鳴玉之琳琅丹青彷彿其形似氣象已絢爛乎文章深注意於林泉而托跡乎軒裳畊釣於荆溪笑傲於良常豈出岫之閑雲亦九畹之孤芳故將縱浪大化游泳天和周旋罄折追琢磨于躬有光而奕世其昌者耶黃鶴山人王蒙謹題冠綸巾服素衣靜式後昆動揚前徽濯埃氛于宴景憺山水之清暉吾固知其夷險一節出處顯默之間惟德

之常而從容於道機者

馬治

向年予客荆溪岳君仲遠家仲遠中表姻戚多若王君仲德其一也仲德以宋閔閱居州市時延至金壇張天民先生訓飭其子弟居久之先生德孚其身行孚其人允溪大家無不敬慕之者于是買田築室請先生紱家荆溪之上今吳縣尹德常則先生冢子也德常日侍其親內而家庭外而朋友舊人、得其驩心暇輒讀書誦學德業滋進於是德常充然為荆溪之逸民夫何淮甸兵興而荆溪遂為戎首向所謂田園室廬盡為瓦礫德常遂與先生辟地來吳以才名著聞起家吳縣至由丞

陞尹縣遭亢旱焚劫而德常能涵煦以仁恩自非才美兼其能其若是乎遂昌鄭元祐與德常有世契見其松石小像而喜之為題於其上云

鍾英金壇蟹聲荆溪以孝以友身修家齊辟地來吳起家佐邑陞之製錦藹乎仁術我冠野服松石之間逍遙天游良常之山倚歟老先生有此令子爾公爾侯必復其始

誦詩讀書佩先師之格言登山臨水得曠士之樂全非仕非隱其幾其天雲不雨而常潤玉雖工而匪鑄其據于儒依于老逃於禪者歟

錢唐王生思善盡德常時年四十二矣東海倪生贊
之曰云、德常高情虛夷意度閒雅願非願長康之
丘壑置身曹將軍之凌烟潤色又那緣得其氣韻耶
其王生蓋亦見其善者幾耳今日因過德常草堂出此
圖求贊且欲作樹石其傍乃先綴數語于像上樹石
俟他日補為之

世壽堂銘

古之君天下者歛福於其己以敷錫於天下之人故人
有樂生之心無歎息愁恨之苦有壽考之徵無夭閼折
傷之萌武王訪道箕子大經大法畢陳之矣而終之以

五福蓋以為人君貌言視聽舉皆合乎天至於思而睿
作聖則又無所不昭合乎天矣人君與天一致而無二
則歛福於己者豈私其躬而已哉刑賞威柄惟天是循
子養萬民惟天是法舉熙然遊于太和元氣之中其
露之所灑霖祥風之所披拂則其享遐齡躋壽域斯非
厚誼斯世也氣錯而薄世澆而離夫以孔子之聖不獲
欽福以錫民顏子之賢而不獲享其壽考此其扶輿而
磅礴者或清或濁或媿或惡有不可得而窺度也雖媿
薄已甚而王澤猶存民猶有享壽祺者然益罕矣故視
曩時耆舊有傳耆英有會九老有圖蓋如鳳皇麒麟不

可復見也已况自兵興以來鋒鏑之下燒劫之餘荆榛
骨骸渺莽蕭瑟亘數千里無復人烟兵禍之慘未有甚
于今日其幸存竊活者方溝壑是憂又何知壽考康寧
之謂乎而金壇張德常迺於吳中所寓之室扁曰世壽
堂以奉其父天民先生居之先生今年八十歲耳聰目
明氣神滋王其大父愛山先生年七十五歲而終其曾
大父定軒先生於書無不讀於學無不講宋季趙信公
最知人將起先生以共事先生知事不可為力謝絕之
日與漫塘劉先生實齋王先生優游以終老其卒也年
九十有三伯父叔剛先生年七十有三至其西老姑今

皆年望九十起居無恙世言壽有種豈信然歟夫承平
之日世享壽齡固足以夸艷今天下洵而德常以才
幹在吳縣由丞陞尹人稱其賢既能養其父以孝聞又
能推其上世耆年宿學以表章暴白之抑亦何修何為
而能若是耶豈昔之人當錫福之盛深培厚植不少概
見於世故其壽考若此其未已耶德常今則施之于用
而其厚德之積則又在德常也遂昌鄭元祐辱交於父
子四十年矣乃為銘其堂銘曰

金壇之山實系地肺山明川媚聿鍾人瑞卓哉定軒翁
灼有見乎宋之季身躋上壽名高一世有子有孫俱享

遐齡天何所聞惟其德馨德馨苾芬三壽作朋永言世
壽以堂以構壽若有種善培滋茂良耜澤斯種斯獲
我銘於錄雖有秋無斁
身世蕭々一羽輕白螺杯裏酌滄瀛逍遙自足忘朋漫
浪何須問姓名石鼎煮雲聽澗雨玉笙吹月和松聲馮
君為問張公子曾到良常夢亦清晏

十二月廿四日馮高士訪予笠澤旅寓相與游從累
日其操行孤削居處簡易有古高逸之風漫容話及
德常明公學行之美與僕交義之篤因言欲以書札
枉問以僕深相怪問遂不復作記此無它聽譚雙鳧謗

之過也雙鳧以十年前博易之物翻悔不遂竟嗔
恨而去知其動輿說於其所識非特執特也鼠輩
小計僕固不恤但可笑耳王半山面有黑點人教用
園妾煎湯洗面半山曰天生黑於予園妾其如予何
但執事不明之愆則不可逃一人譽之從而敬之一
人毀之從而怒之可乎所謂唯君子能好人能惡不
知好惡賤子于明公之前者君子人歟非耶其亦
在聽言之審耳執事以為何如謹以奉問千萬還示
數字幸甚尊君鶴溪先生侍問道瓚懷仰之私也瓚

再拜

聞道淮安之任去尊君合住叔兮家來城又鼓吳淞柁
好過吳松弄釣車
比聞從者來吳城旦夕^之官淮安復往吳淞迎尊君矣
笠澤能一枉顧否因令弟德機徵君之便輒成小詩
以寄倪瓚再拜
良常府判明公執事
比附蕭澹善一書往曾達否瓚廿五日謹空
瓚再拜新春伏惟履候多福欲往展賀村野畏人不出
耳昨有數字與令似想曾過目畫匣倘要用當送去無
用則已先公竹杖脚爐小巾倘有之希尋以見惠無則
不煩也元度入城何日還日為致意謹承候勿不

具十一日瓚啓上

良常先生執事

八月四日老錢楨帖上德常相公先生屢承問病乏力
不能接對今日體力稍勝忽老脊吳讓者泣拜牀下自
陳八年淹滯相公憐之欲行叅補而有優游不斷者阻
之閣下窠缺告天無路惟有覓死地而已其情可哀今
假老夫一言欲相公補押一案為來官收錄之階必公
賜可此事不徒協衆論亦繫相公平日陰德事也扶病
為布此楮惟冀委察焉不具楨帖上悚恐謹空至正辛
丑十二月廿四日德常明公自吳城將還嘉定道出甫

里挨枕相就語俯仰十霜恍若隔世為留信宿夜闌史
秉燭相對如夢寐者甚似為僕發也明日微雪作寒戶
無來迹獨與明公逍遙渚際隔江遙望天平靈若諸山
在荒烟遠靄中濃纖出沒依約如畫渚上疎林枯木似
我容髮蕭々可憐生不能滿百其所以異于草木者猶
情好耳年逾五十日覺死生忙能不為撫舊事而縱遠
情乎明公復命畫江濱寂寞之意并書相與乖離感慨
之情悰德常今為嘉定同知於氏有惠政即昔日之良
常山人也朱陽館主蕭閒仙鄉倪瓚言

艇齋

德機僦屋藍橋以教授為業屋之西隅有軒翼然即所
謂艇齋也歐陽公有齊名畫舫其記云舫者嬉遊之舟
不知德機之舟將以涉大川乎其亦乘以嬉游乎將出
入二者之間所謂乘流則逝遇坎則止乎因篆二字使
張於屋壁稍暇當為記之七月二日胡悌書

題德機荆南精舍圖

誰畫荆南精舍菑烟霏嵐翠墨模糊林間野鹿時相逐
洞口仙猿不受呼尚有流泉悲夜雨已迷幽徑入寒蕪
痴人莫彈西飛鶴雲外仙君恐姓蘓
近作寫呈德機兄求教胡悌再拜

明朝

明朝又上闔閭城江上春風一舸輕
過眼落花應有恨
傍人飛絮自多情
本因世亂依劉表
誰謂才多類祢衡
試問龐公歸隱計
南陽何地可躬耕

贈章伯高

共是多情歲華故應羨酒送生涯
金盞細研秋風繪玉
髓新烹穀雨茶
每愛芙蓉依北渚
還思胡蝶過東家
江南三月鶯啼遍
不信櫻桃未着花

平生豪氣幕西州
莫怪眉攢萬國愁
商皓不知秦正朔
荆人曾紀魯春秋
新豐酒羨春三月
劍閣詩多歲一周

中夜聽雞真欲舞
高桓事業在營丘

詩寄德機判簿

十載無家客東西
幾播遷已拚書馬券
留作買山錢
處
處荆花好枝
棣鄂連將車
日來往便比草堂前

六月廿七日書於吳中客船 經



Faint, illegible text is visible on the right page, appearing to be bleed-through from the reverse side of the paper. The text is arranged in vertical columns and is too light to be accurately transcribed.

